

靈寶領教濟度金書卷

九十一之
九十三

湯三

靈寶領教濟度金書卷之九十一
九十二卷
十三同卷

洞微高士開光救苦真人甯全真授

靈寶通玄弘教水南先生林靈真編

科儀立成品
青玄齋用

早朝儀

燒香頌

各禮師存念如法

衛靈呪

青陽虛映 耀日回靈 神虎辟邪 飛天流鈴

摧奸滅試 萬魔束形 九微回道 八威攝精

千真校錄 三元蕩清 左嘯中黃 右策六丁

七轉八合 周旋天經 聖化巍巍 王道順行

慶雲流布 合景黃庭和與道合真

鳴法鼓二十四通

無上三天玄元始三炁太上道君太上老君

湯三

召出臣等身中三五功曹左右官使者侍香

金童傳言散花玉女五帝直符直日香官各

三十二人出出者嚴裝關啓玄壇天帝神君

當召此間土地里域真官正神急上關啓臣

今奉為入齋意以今早朝陞壇行道願得

東極青玄妙炁百寶光明下降流入臣等身
中令臣所啓之誠速達徑御

東極青玄老君太乙救苦天尊運明保元上
帝御前

請稱法位

具位奉行青玄黃籙妙齋法事小兆臣某與
臨壇官衆等謹同誠上啓

青玄祖炁虛无自然元始天尊无極大道太
上道君太上老君東極青玄老君運明保元
上帝太乙救苦天尊十方分身應化救苦天

尊大慈大悲救苦真人
大慈大悲大惠真人
香林會中法解真人
十華真人普救真人
玄中大法師三天大法師
三界應感一切真人
臣聞赤明開圖敷八圓於祖炁
青玄御運宏十極之真光
威神凝妙於紫金慧力敷華於

湯三

二

翠玉香林駐景琅音尊應念之
慈騫樹騰輝瓊號表尋聲之惠
二府雲聯而宣德九司星列以推仁
赫赫靈功巍巍

聖化臣等福由宿慶運際昌期
佩妙戒於身前希夷師錫繫鸞圖於肘
後微妙天開莫高

蹈於鵬搏乃卑棲於駒迹學真補過退堅勵
已之誠宏道立功進勉度人之力凡有投告
敢不上聞齋意青詞謹當敷奏

宣詞

按如詞言備殫激切臣聞九華鬱秀彰玉宇

於玄虛三洞澄輝敷金書於黃混分天章而
扶雲漢開地禁以御風煙惟清微應化之身
無利不現而赤圓流光之景有象皆輝爲萬
類之津梁實九幽之柱石今齋主某情鍾天
屬義重人倫念奄忽一朝神炁分離於地大

而淒涼九夜音容迥隔於天長羅艷嚴水火
之曹泉曲凜陰陽之局毛髮爲豎肝膽俱摧
孰操智慧之舟俾登道岸庶藉慈悲之燭獲
出昏衢虔潔已以輸誠爲齋心而瀝悃投誠
東極願開甘露之門湯三流惠北單均化祥煙之
戶俯提幽暗仰接陽光風旗露葆以歲蕤齊
臨獅座月磬雲笙而縹緲旁拱龍庭瞻咫尺
之威顏露萬千之德悃恩霑幽顯澤被人天
以今清旦陞壇行道請法衆等運茲初捨上

香此香默觀空對土封養

願此香煙騰空徑上供養

無上至真道寶臣等皈身皈神皈命首體投
地仰依

太乙救苦天尊願以是功德上祝

社稷尊靈宗祧先聖伏願凝神空碧高步始

青擁環佩以朝元慶延

聖祚被藻旒而問道祥衍神存

皇帝鳳曆承休龍符襲慶桑麻雨足敦禮樂

於周疆榆柳春開闢詩書於燕塞今故燒香

自皈依

師尊大聖衆至真之德得道之後昇入無形
和與道合真
以今清旦陞壇行道請法衆等運茲二捻上
香
願此香煙騰空徑上供養

無上至真經寶臣等皈身皈神皈命首體投
地仰依
太乙救苦天尊願以是功德皈流齋主某九
玄七祖億劫種親伏願朱陵度命黑鬱升神
毒根惡根生死根風澄定水業障報障煩惱

障日爍冰山亡故某迅策鸞驂肆朝
龍御千寃解悟登名小有之庭萬罪蕩除超
步大乘之徑今故燒香自皈依
師尊大聖衆至真之德得道之後時刻昇遷
和與道合真

湯三

以今清旦陞壇行道請法衆等運茲三捻上

四

香

願此香煙騰空徑上供養

無上至真師寶臣等皈身皈神皈命首體投

地仰依

太乙救苦天尊願以是功德皈流齋主某伏
願德風披拂道日舒明萃和氣於門闌天花
煥映襲歡聲於階砌地累清夷臣等五族六
親三師四友見在保金花之粹玄谷凝神已
往混玉藥之英瑤臺御炁今故燒香自皈依
師尊大聖衆至真之德得道之後長享自然
和與道合真

禮方

宣懺

步虛

三啓

樂法以爲妻

愛經如珠玉

持戒制六情

念道遣所欲
澹泊正氣停
蕭然神靜默

天魔並敬護
世世享大福

鬱鬱家國盛
濟濟經道興
天人同其願

縹緲入大乘
因心立福田
靡靡法輪昇

七祖生天堂
我身白日騰

湯三

五

大道洞玄虛
有念無不契
煉質入仙真

遂成金剛體
超度三界難
地獄五苦解

悉歸太上經
靜念稽首禮

三禮

臣等志心稽首禮

太上元極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某與臨壇官衆等謹同誠上啓

青玄祖炁虛无自然元始天尊无極大道太
上道君太上老君東極青玄老君運明保元
上帝太乙救苦天尊十方分身應化救苦天

尊大慈大悲救苦真人
大慈大悲大惠真人
香林會中法解真人
十華真人普救真人
玄中大法師三天大法師
三界應感一切真靈
臣聞道尊太乙端神
化於十方教衍大千流
玄恩於鬱絕凝虛无之玉
相承元始之金光

百寶流明開晨輝於夜壑
九微回耀啓朝景於寒庭
庶提艷澤之幽寥均步雲霄之渺莽
今齋主某仰慮亡故某業基億劫
冤對萬生昧性玉於塵囂
百關雲擾混心珠於昏垢
七竅煙迷委瓦礫以汩靈臺
縱斧斤而伐覺地

牛奔罔牧名已掛於玄曹馬逸弗羈字倏鑄
於黑簡九幽考對六洞推研鐵壘千尋孰導
求生之路銅門萬雉誰開救死之門自非流
霈於靈光曷俾超凌於幽壤爰遵藥笈肅建
芝壇罪滅十華盡肘步膝行之敬恩依三寶

湯三

六

罄心剗膽瀝之恭大德昭回洪恩浩蕩救破
獄出冥之仙吏宣開光察命之靈曹雷動十
宮提形蒐而部衛風行九壘攝爽鬼以送迎
永辭金剛之幽輪飛覲玉虛之道境聞經聽
法朝獅座以依光度命登真步龍墀而御景

盡洗冤愆之累頓清考注之塵澤被家庭慶
延嗣胤殫蟻忱於萬一徼鴻福於億千蒙鑒
丹衷永昭玄貺上願乾樞澄湛坤軸清凝日
月輝華山林靜謐三烽息警貔貅樂意於堯
疆五穀告成鴻鴈棲身於舜畝夜壑遂仙飛
之樂寒庭無考對之憂動植飛潛俱承惠澤
龍仙人鬼悉被慈雲則上明天尊大慈之化
下副齋主皈命之誠謹啓以聞

十念

一念爲道四大合德齋主七世父母免墮憂

苦上昇天堂衣食自然

二念帝王國主道化興隆庠序濟濟皇教恢
宏威儀翼翼普天所瞻民稱太平四夷賓
伏妖惡自滅聖賢自生

三念法師功德大建教化明達俱獲飛仙

湯三

七

四念同志學人早得仙道更相關度

五念九親和睦好尚仁義貴道賤財行爲物
範

六念損已布施道士及飢寒者天下人民各
得其所

七念蠕動跂行一切衆生成蒙成就
八念赦貫前生今世罪對立功補過
九念家門隆盛宗廟有人世生賢才

十念尊受師經不敢中怠平等一心廣度克
獲上仙白日登天拜見太上永成真人雲

車羽駕和與道合真

存神燒香

香官使者左右龍虎君侍香諸靈官當令臣
早朝行道之所自然生金液丹碧芝英百靈
衆真交會在此香火爐前令臣學道得道求

仙得仙齋主受福幽顯霑恩十方仙童玉女
侍衛香煙傳臣向來所啓之誠速達徑御
東極青玄老君太乙救苦天尊運明保元上
帝御前

出堂頌

回師

靈寶領教濟度金書卷之九十一

靈寶領教濟度金書卷之九十二

洞微高士開光救苦真人甯全真授

靈寶通玄弘教水南先生林靈真編

科儀立成品

青玄齋用

午朝儀

湯三

燒香頌

各禮師存念如法

衛靈呪

丹靈朱火

炎霞激風

赤輪剛運

天光八衝

迸威包羅

交變萬方

流金豁落

羣魔滅蹤

辟奸破祆

明耀元功

金符召制

躡雲策龍

謠歌慶會

散花太空

神化明運

四極安隆

伏御帝前

罔有不恭和與道合真

鳴法鼓二十四通

無上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣奉為齋意

以今午朝陞壇行道願得

東極青玄妙炁百寶光明下降流入臣等身
中令臣所啓之誠速達徑御
東極青玄老君太乙救苦天尊運明保元上
帝御前

請稱法位

湯三

具位奉行青玄黃籙妙齋法事九臣某與臨壇
官衆等謹同誠上啓

青玄祖炁虛无自然元始天尊无極大道太
上道君太上老君東極青玄老君運明保元
上帝太乙救苦天尊十方分身應化救苦天

尊大慈大悲救苦真人
大慈大悲大惠真人
香林會中法解真人
十華真人普救真人
玄中大法師三天大法師
三界應感一切真靈

臣聞萬真環拱凝

啓

聖日於妙嚴三極皈依扇仁風於長樂慧光
映虹霓之象威芒射劒戟之容名耀垂慈開
地禁而招地鬼號尊救苦將天炁以制天鬼
一切之罪厄冰消十方之威神風動巍巍玄
運赫赫巖瞻臣等身佩瑤圖心縈瓊檢煙霞
獨嘯含凝二炁以鶯遷日月同流乃混萬塵

而蚊負切切惜分之志依依進寸之心踏過
履非幸追丹青之威令承符宣德誓彰金石
之真忱凡有畝投理宜關告沉奉詞旨敢不

上聞

宣詞

按如詞旨備切精誠臣聞形別圓方宅陰陽
於高厚烝分清濁定顯晦於升沈圓清爲仙
聖之都方濁乃鬼神之府北巖鬱絕中聳羅
鄴昏霧濛濛鎖羈寃於積夜迷雲藹藹禁幽
爽於重泉亘萬劫以酸辛歷千年而苦惱今

齋主其痛思陰識莫返陽靈三十六壘之沈
寥孰伸援手八十一天之渺莽曷克超神沉
二景之梭飛慮三途之輪轉匪由

帝力曷拯民衷爰皈命於東儲冀流恩於北
鬱瑤臺雲斂羅黃籙之真階琅闕天開拱青

湯三

十

玄之寶御禁路簇龍華之仗霄衢傳鳳蹕之
音碧霧彌羅奏鈞天於芝陛翠霞縹緲飛寶
篆於蘭篝鴛行穆穆以朝班蟻佃勤勤而奏
對願敷陽綈爲闢陰塵俾萬類以霑恩使十
華而均慶以今臨午陞壇行道請法衆等運

茲初捻上香

願此香煙騰空徑上供養

无上至真道寶臣等皈身皈神皈命首體投

地仰依

太乙救苦天尊願以是功德上資

社稷尊靈宗祧先聖伏願玉京侍聖瑤闕凝

神炁入玄玄蔭麟符而延周曆神超渺渺茂

龍種以衍堯宗

皇帝冠帶百蠻車書萬國卿雲耀彩翔文德

於黃垓瑞露凝甘耀武功於紫塞今故燒香

自皈依

師尊大聖衆至真之德得道之後昇入無形
和與道合真

以今臨午陞壇行道請法衆等運茲二捻上
香

湯三

十一

願此香煙騰空徑上供養

无上至真經寶臣等皈身皈神皈命首體投

地仰依

太乙救苦天尊願以是功德皈流齋主某九

玄七祖億劫種親伏願風環汎景月佩飛霄

斷疑惑根悟靈源之本寂出煩惱網湛覺海
之真空亡故其業垢清夷客塵疏淪青華定
籙永遊宴於福鄉朱陵登真常逍遙於道境
今故燒香自皈依
師尊大聖衆至真之德得道之後時刻昇遷

和與道合真

以今臨午陞壇行道請法衆等運茲三捻上

香

願此香煙騰空徑上供養

无上至真師寶臣等皈身皈神皈命首體投

地仰依真相寶王等如長如軒如命首歸
太乙救苦天尊願以是功德皈流齋主其伏
願九華錫慶五福流祥芝秀蘭芳融光風於
夏屋松茂栢悅流麗日於春臺臣等七祖九
玄三師四友已往者騰昇紫闕陪琅葆以朝
元見在者凝妙黃房固瓊顏而宴樂今故燒
香自皈依
師尊大聖衆至真之德得道之後長身自然
和與道合真

禮方

宣懺

命魔

步虛

三啓

三禮

重稱法位

具位臣某與臨壇官衆等同誠上啓

青玄祖炁虛无自然元始天尊无極大道太

湯三

十二

上道君太上老君東極青玄老君運明保元

上帝太乙救苦天尊十方分身應化救苦天

尊大慈大悲救苦真人大慈大悲大惠真人

香林會中法解真人十華真人普救真人玄

中大法師三天大法師三界應感一切真仙

臣聞碧落流精洞煥綠羅之界青霄御炁輝
煌蒼藹之墟示法身而數若沙塵衍聖言而
明符日月冰靜波火息焰仰青極之靈光刀
化樹劍爲騫破黑單之幽暗凡伸皈命必沐
留神今齋主某仰慮亡故某塵擁三宮業迷
六府遑遑鹿逐似狂瀾操一葉之舟衮衮駒
馳猶峻坂走千輪之軌網常不守禁戒多違
身心口之人僞雲滋罔知三省精炁神之天
和日散莫識九思百骸變滅於彭仇四大分
離於晉豎形魂流浪茫茫夜壑之幽體臯顛

冥慘慘寒庭之苦鬼官跋扈獄吏羈維匪由
上聖之流恩金符度命曷俾下愚之受福玉
簡升神爰開八陛之玄式象九關之峻羅敷
鳳篆洗心首過於玄曹宣演龍章潔已祈恩
於紫禁伏願生門洞闢死戶摧殘敕監生察

湯三

十三

命之曹疾除罪簿宣移籍錄功之吏精紀善
編書名朱火之庭定字丹玄之闕三生四負
齊同慈愛以優游十習六因灌沐仁恩而削
落容塵瑩潔祖炁澄清高步華林徑上大皇
黃魯之妙境遊神騫樹獲辭朔單鬱絕之幽

都永無執對之憂常遇太平之運蒙如丹禱
允佩玄恩上願三景高明五靈協順風雲藏
斂草木輝華魚躍鳶飛遂生生於禹迹鳳儀
獸舞陶化化於虞庭三農遊夏屋以歡娛四
鄙登春臺而樂意刀山劔樹永斷攀緣炎沼
冰池俱停苦惱則上明天尊大慈之化下副
齋主皈命之誠謹啓以聞

四願十二願

一願大道澹泊虛无安閑空寂澄清自居廣
開法門教導頑夫皆蒙惠澤精苦自脩預

以同學普得升虛與天相保長存無憂

二願諸天結炁澄清高虛廣覆保真固靈炁

候調節四運和平國安民豐普天閑寧廣

濟一切惠達有生保天長存億劫不傾

三願土地覆載無窮安平不陷海淪不崩保

鎮家國兆民具從養生安死惠周十方禾

稼滋植營運日豐咸得厚載萬類皆從

四願日月二景高明無有孛蝕虧盈安清光

照諸天洞消暗冥保固劫運世祚和平普

正加潤澤惠灑衆生

五願星辰與日齊光轉燭照耀朗映十方各
安其位經緯直行保鎮家國無有災傷四
四海寧一普天興昌

六願四時隨節推遷景炁和調無有災患疫
毒消滅普天安平五穀豐熟國富民歡

湯三

十四

七願浮雲結炁聚煙飛空高澄蔭覆玄玄隱
則無爲散則彌天神仙同居結友衆真惠
流一切興國愛民普濟羣生人同劫年
八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長爲仙宮安

八願鎮國祚保天無終護度一切莫不仰宗

十願江海蕩蕩無極含容恢廓無細不植淵

奧柔惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚

兆庶稱慶長樂未央

十二願蜎飛蠢動已生未生成咸蒙安全普得

生成皆見元氣受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當令臣
午朝行道之所自然生金液丹碧芝英百靈
衆真交會在此香火爐前令臣學道得道求
仙得仙齋主受福幽顯霑恩十方仙童玉女
侍衛香煙傳臣向來所啓之誠湯三速達徑御十五
東極青玄老君太乙救苦天尊運明保元上
帝御前

出堂頌

回靜默堂

回嶺黑堂

靈寶領教濟度金書卷之九十二

靈寶領教濟度金書卷之九十三

洞微高士開光救苦真人甯全真授

靈寶通玄弘教水南先生林靈真編

科儀立成品

青玄齋用

晚朝儀

燒香頌

各禮師存念如法

衛靈呪

五星高照

瑞炁飛浮

元始集神

天地交周

玉符寶節

嘯命微幽

擲火揚威

奸兇無留

萬魔振伏

紛葩却消

摧怪伐惡

道炁周流

神光照夜

陰翳俱收

萬神降格

扇景乘颯

羣生咸逐

惠遍神州

和與道合真

鳴法鼓二十四通

香官各三十二人

無上三天玄元始三炁太上道君召出臣等

身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官正神急上關啓臣今奉為齋
意以今晚朝陞壇行道願得

湯三

十六

東極青玄妙炁百寶光明下降流入臣等身
中今臣所啓之誠速達徑御
東極青玄老君太乙救苦天尊運明保元上
帝御前

具封奉請稱法位

齋心共與

具位奉行青玄黃籙妙齋法事小兆臣某與
臨壇官衆等謹同誠上啓

青玄祖炁虛无自然元始天尊无極大道太
上道君太上老君東極青玄老君運明保元
上帝太乙救苦天尊十方分身應化救苦天
尊大慈大悲救苦真人大慈大悲大惠真人
香林會中法解真人十華真人普救真人玄
中大法師三天大法師三界應感一切真靈
臣聞七寶騫林靈風振蒼精之韻九光蓮座
祥煙流碧藹之輝拱

聖化之巍巍超仙源之渺渺十方界尊玄元
始慧日融怡三寶君列天靈神紫雲覆映儼
東華九陽之闕垂北鬱六陰之闕爲道德師
作慈悲父臣等承顏獅床綴武螭坳補袞獻
天演紫清之祕範煥綸制地宏丹素之孤衷

湯三

十七

自慚樗櫟之材莫悟棗梨之妙恩濃雨露荷
曲采於堯言憲列雷霆惟終陶於芝渥凡有
投告敢不上聞

宣詞

按如詞旨備切忱恂臣聞三途五苦之經清

微演妙六洞十宮之域黑壘凝幽尋聲赴感
而法炬飛浮應念垂慈而靈音鼓動生成飛
化提泉曲於陽天死炁超凌闕寒庭於陰地
無文不度有礙皆通今齋主某骨肉情鍾肺
肝悲極織烏飛迅撫逝水以興懷野馬棲迷
顧藏舟而慨歎寥寥亡爽寂寂幽菟苦海滔
天中流之楫孰付昏衢亘地迷途之燭誰操
循環喪鬼於四生輪轉驚心於六道匪由師
造曷訴愚衷仰惟

東極之神光可破北艷之鬼趣壇周四壝降

羽葆於青冥樂奏九成舞雲旌於碧漢鳳炬
燦流金之影鴛班催戛玉之聲露方寸天殫
芻蕘而莫極借盈尺地期葑菲之不遺願敷
汪濊之恩爲拯沈淪之苦以今落景陞壇行
道請法衆等運茲初捻上香

願此香煙騰空徑上供養

無上至真道寶臣等皈身皈神皈命首體投
地仰依

太乙救苦天尊願以是功德上資

社稷尊靈宗桃先聖棲真大素凝妙空青福

寶運於億齡神龜薦瑞衍璇源於萬派天馬
呈祥

皇帝壽衍衡嵩福齊溟渤康衢之謠盈耳玉
帛充庭華封之祝傾心梯航覲闕今故燒香
自皈依

湯三

十八

師尊大聖衆至真之德得道之後保天長存
和與道合真

以今落景陞壇行道請法衆等運茲二捻上
香

願此香煙騰空徑上供養

無上至真經寶臣等皈身皈神皈命首體投
地仰依

太乙救苦天尊願以是功德皈流齋主某九
玄七祖億劫種親伏願心悟真常性超清靜
一塵不染猶曉鑑之凝輝萬業俱融若秋蟾
而耀彩亡故某罪華飄落善果敷榮黃華蕩
形詣紫輝而駕景玉眸煉質泝朱火以陶真
今故燒香自皈依

師尊大聖衆至真之德得道之後昇入無形

和與道合真

以今落景陞壇行道請法衆等運茲三捻上
香
願此香煙騰空徑上供養

無上至真師寶臣等皈身皈神皈命首體投
地仰依

湯三

十九

太乙救苦天尊願以是功德皈流齋主某伏
願堆牀笏耀挿架籤香日暖簾攏瑞氣協方
來之慶風清庭宇祥光潛已往之災臣等五
族六親三師四友普承湛露均擁祥煙見在
者視履者願固玉顏於不夜旣往者超神寥

廓駕金景以長春今故燒香自皈依
師尊大聖衆至真之德得道之後長享自然
和與道合真

禮方

宣懺

三啓

三禮

重稱法位

具位臣某與臨壇官衆等謹同誠上啓

青玄祖炁虛无自然元始天尊无極大道太
上道君太上老君東極青玄老君運明保元
上帝太乙救苦天尊十方分身應化救苦天

尊大慈大悲救苦真人
大慈大悲大惠真人
香林會中法解真人
十華真人普救真人
玄中大法師三天大法師
三界應感一切真靈
臣聞功德濟度天尊
現救苦之身勝境裝嚴
真人表同仁之號
祖炁徘徊於五大靈光
燦爛於十華微微開幽
仰九龍之金錄昭昭破
暗煥丹鳳之瓊章啓玄
運於虛皇發真機於
法解天人稱慶今古承
恩今齋主某仰慮亡
故某業蘊今生愆鍾曩
劫耳悅宮商之韻紋
綺榮身目貪黼黻之華
肥甘適口襲馨香於

鼻觀騁名利於身田違地理以逆天文忤神
靈而干人紀十直四始罔知懺謝之門八節
三元久昧首祈之路神鄉迅履鬼域羈鬼掌
惡掌罰以無私司非司危而莫悔籲天孰軫
扣地誰矜自非九幽教主之提攜曷俾六道

湯三

二十

沈寃之超邁齋崇黃錄爰遵藥笈之科恩輅
青玄式衛芝輪之澤伏願至仁無外盛德有
容救陶寃鍊寃之曹關專度曲度之吏飛玉
津於東井澄淪心塵揚金彩於南丹陶鎔性
垢移割鬼籍增注仙名俾度品於青林永登

神於紫極普地厚天高而不夜極陽生陰死
以皆春允昭化育之恩敢負生成之造上願
二儀昭朗四象輝華水伯清波山靈薦祉朝
多鳴鳳寰區蒙玉燭之調野絕遺蝗畎畝被
金穰之瑞紫塞空而控弦警息黃圖靜而擊
柝聲沈五道停閑簡書落滅三途罷對錄籍
飛銷則上明
天尊大慈之化下副齋主皈命之誠謹啓以
聞

一願大道流行普天懷德二願一切有生咸
皆悟道三願九夜悲冤一時解脫四願孤冤
無依咸得受生五願天下太平五穀豐熟六
願臣忠子孝君仁父慈七願四海會同寃親
和釋八願潛胞處卵咸得生成九願積疾新
痾旋即痊愈十願孤露衆生豐衣足食

湯三

二十一

帝前復爐

香官使者左右龍虎君侍香諸靈官當令臣
落景行道之所自然生金液丹碧芝英百靈
衆真交會在此香火爐前令臣學道得道求

仙得仙齋主受福幽顯霑恩十方仙童玉女
侍衛香煙傳臣向來所啓之誠速達徑御
東極青玄老君太乙救苦天尊運明保元上
帝御前

出堂頌

回靜默堂

靈寶領教濟度金書卷之九十三

廿九

